

աւանդութենէ . մինչդի հանդիստ եւ բարի լինիցի նոցա , եւ մի տաղտկասցին : Ոչ արգելուլ զեպիսկոպոսն յեպիսկոպոսութենէ , քրիստոնեայն 'ի քրիստոնէութենէ , կրօնաւորն 'ի կրօնաւորութենէ , անասատականն յանասատէ , միայնակեացն 'ի խրճիթէ իւրմէ : Չյանձնել ումեք 'ի քրիստոնեայ ազգաց տուն մի 'ի կալուածոց եկեղեցեաց նոցին , եւ ոչ տեղ ինչ 'ի տեղեաց տաճարաց նոցին . չկործանել տուն ինչ 'ի տանց եկեղեցեաց նոցին . զի եթէ ոք յանդգնեսցի առնել զնոսա , լուծանէ զուխտն Աստուծոյ եւ հակառակի ուխտի Մարգարէին , զոր տուեալ է Արրահամ վարդապետին . եւ հակառակի ուխտին Օմարայ , զոր տուեալ է ազգի նոցին՝ 'ի ժամանակս յաղթութեան իւրոյ , եւ ուխտին Ալեայ . ուխտին եւ սլարտեաց իմոց , զոր ետու նոցա եւ հետեւակ երկոց ազգաց , որք են Հապէշք , Գալթիք եւ Ասորիք . զի նենդութիւն է պարտեացն Աստուծոյ , Մարգարէին եւ բարեկամաց նորին , եւ իմոց : Չդնել հարկս 'ի վերայ կրօնաւորաց եւ եպիսկոպոսաց , որք ոչ են կարող հատուցանել , այլ հանդիստ պահել . չառնել չափազանց տուր եւ առ ընդ նոսա . չպահանջել 'ի վաճառականաց նոցին իւրաքանչիւր ամի աւելի քան զերկոտասան դահեկանս : Առաւել քան զկար եւ զգորութիւնս նոցա , չդնել բեռինս ծանունս : Ի բերոց երկրի եւ 'ի կալուածոց ըստ պատահման բաղդի եւ ժամանակի , սակաւ ինչ տացեն եւ մի նեղել զփողովուրդն հարկատու առաւել քան զչափն : Մի հարկադրեսցին երթալ 'ի պատերազմ ընդդէմ թշնամեաց , չիք հարկ 'ի վերայ նոցա , զի պարտաւորեցին զինքեանս լինել հարկատու եւ ընդ իշխանութեամբ իսլամաց , առ 'ի պատրաստել զհարկս : Այս է ուխտն Աստուծոյ եւ Մարգարէի նորին , զոր ինչ ունին իսլամք , ունիցին եւ նոքա . որ ինչ է իսլամաց , եւ եղիցի նոցա . եւ զոր ինչ ունին նոքա , ունիցին եւ իսլամք . եւ որ ինչ է նոցա , եղիցի իսլամաց . այս պայմանք օրինադրեն զիրաւունս արեան , պատուոյ կանանց եւ իւրեանց : Եթէ հարկ լիցի նորոգել զեկեղեցիս եւ զգերեզմանատեղիս իւրեանց , յօժարութեամբ եւ միաբանութեամբ օգնեսցեն նոցա իսլամք , եւ մի լիցի հակառակութեամբ . ըստ ուխտի Մարգարէին , իրրեւ նուէր ընծայել նոցա . զի ունին զպար-